

II

Zadatak Komisije je da, u skladu sa članom 7. Pravilnika o izboru i imenovanju upravnih i nadzornih odbora predškolskih ustanova Kantona Sarajevo ("Službene novine Kantona Sarajevo", broj 3/11), raspisuje javni poziv za izbor i imenovanje na upražnjene pozicije predsjednika i članova Upravnog i Nadzornog odbora u Javnoj ustanovi "Djeca Sarajeva" Sarajevo, pregleda pristigle prijave, prosljedi ih relevantnim strukturama i provede druge aktivnosti neophodne za imenovanje člana Upravnog odbora, predstavnika roditelja, te predsjednika i člana Nadzornog odbora, predstavnika Ministarstva i predstavnika Općine Centar.

III

Komisija će zadatke iz prethodne tačke ovog rješenja, obaviti najkasnije u roku od 30 dana od dana prispijeća posljednjeg materijala, relevantnog za okončanje procedure.

IV

Naknada za rad članova Komisije utvrdit će se u skladu sa Odlukom o načinu obrazovanja i utvrđivanja visine naknade za rad radnih tijela koje obrazuje Vlada Kantona Sarajevo i rukovodioći kantonalnih organa državne službe ("Službene novine Kantona Sarajevo", broj 18/20).

V

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-04-8081-7/23

30. marta 2023. godine
Sarajevo

Premjer
Nihad Uk, s. r.

Ministarstvo za boračka pitanja Kantona Sarajevo

Na osnovu člana 66. stav 2., člana 68. stav 1. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 56. stav (4) Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 31/22), ministar za boračka pitanja Kantona Sarajevo donosi

PRAVILNIK**ZA UTVRDJIVANJE PRAVA NA DODJELU
JEDNOKRATNE NOVČANE POMOĆI****DIO PRVI - OSNOVNE ODREDBE****Član 1.****(Predmet)**

Ovim pravilnikom uređuju se korisnici, vidovi, postupak, uvjeti, kriteriji kao i druga pitanja od značaja za ostvarivanje prava na dodjelu jednokratne novčane pomoći.

Član 2.**(Rodna neutralnost izraza)**

Izrazi koji se koriste u ovom pravilniku, a imaju rodno značenje koriste se neutralno i odnose se jednakno na muški i ženski rod.

Član 3.**(Korisnici i vidovi prava)**

- (1) Pravo na dodjelu jednokratne novčane pomoći mogu ostvariti lica iz člana 1. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 31/22), (u dalnjem tekstu: Zakon) i to u vidu:
 - a) plaćanja dijela troškova vanrednog školovanja i paralelnog samofinansirajućeg;
 - b) plaćanja dijela troškova II i III ciklusa Bolonjskog sistema studija;
 - c) dodjele novčanih sredstava za rješavanje socijalnih potreba (zadovoljavanje osnovnih životnih potreba,

pomoći teško oboljelim, nabavka lijekova, grijanje, poplave, požari i sl.);

- d) plaćanja troškova stana;
- e) pružanja sve vrste pomoći osumnjičenim i optuženim bivšim pripadnicima Armije BiH u predmetima ratnih zločina do pravosnažnosti presude, kao i članovima njihovih porodica.

- (2) Izuzetno, pravo iz stava (1) tačka a) i b) ovog člana mogu ostvariti djeca šehida i poginulih branionica, djeca ratnih vojnih invalida, djeca umrlih ratnih vojnih invalida, djeca dobitnika ratnih priznanja i odlikovanja i djeca poginulih, umrlih i nestalih dobitnika ratnih priznanja i odlikovanja, i to pravo iz stava (1) tačka a) ovog člana do navršene 27. godine života, a pravo iz stava (1) tačka b) ovog člana bez obzira na godine dobne starosti.

- (3) Pravo iz stava (1) tačka c) ovog člana mogu ostvariti i djeca šehida i poginulih branionica bez obzira na godine života kada je u pitanju pomoći teško oboljelim.

DIO DRUGI - POSTUPAK OSTVARIVANJA PRAVA**Član 4.****(Postupak ostvarivanja prava)**

- (1) Ministarstvo za boračka pitanja Kantona Sarajevo (u dalnjem tekstu: Ministarstvo) dužno je svake godine objaviti javni poziv za ostvarivanje prava iz člana 3. stav (1) ovog pravilnika, koja se mogu ostvariti u toku cijele godine u kojoj je objavljen javni poziv.
- (2) Ministarstvo je dužno svake godine objaviti poseban javni poziv za ostvarivanje prava na dodjelu jednokratne novčane pomoći za grijanje.

Član 5.**(Podnošenje zahtjeva na propisanim obrascima)**

Lica koja imaju pravo na dodjelu jednokratne novčane pomoći podnose zahtjev na posebnim obrascima, koje priprema Ministarstvo svake godine prema potrebama dokazne dokumentacije. Na obrascima je navedena potrebna dokumentacija koju je podnositelj zahtjeva dužan priložiti uz zahtjev, a u skladu sa načelom efikasnosti koje osigurava brzo, potpuno i kvalitetno rješavanje upravnih stvari u upravnom postupku.

Član 6.**(Rok važenja podnesenog zahtjeva)**

- (1) Podneseni zahtjev važi samo za budžetsku godinu u kojoj je zahtjev podnesen.
- (2) Svake budžetske godine utvrđuje se visina novčanih sredstava za realizaciju i ostvarivanje prava na dodjelu jednokratne novčane pomoći.

Član 7.**(Organ odlučivanja)**

- (1) O dodjeli i visini sredstava jednokratnih novčanih pomoći odlučuje ministar za boračka pitanja Kantona Sarajevo (u dalnjem tekstu: ministar) na prijedlog Sektora za boračko - invalidsku zaštitu (u dalnjem tekstu: Sektor za BIZ).
- (2) Sektor za BIZ daje prijedlog ministru o dodjeli i visini novčanih sredstava jednokratnih novčanih pomoći, izuzev prava iz člana 3. tačka c) i e) ovog pravilnika, u kojem slučaju visinu sredstava jednokratnih novčanih pomoći predlaže Komisija za dodjelu jednokratnih novčanih pomoći (u dalnjem tekstu: Komisija) koju imenuje ministar.
- (3) Obradu zahtjeva za ostvarivanje prava jednokratnih novčanih pomoći iz ovog pravilnika obavlja Sektor za BIZ.

DIO TREĆI - UVJETI I KRITERIJI ZA OSTVARIVANJE POJEDINIH VIDOVA PRAVA NA JEDNOKRATNU NOVČANU POMOĆ**Član 8.**

(Opći uvjet i kriterij)

- (1) Opći uvjet za ostvarivanje prava na dodjelu jednokratne novčane pomoći je da lica iz člana 1. Zakona imaju prebivalište, odnosno boravište na području Kantona Sarajevo, najmanje 10 godina neprekidno do 01.01. one godine u kojoj se predaje zahtjev za ostvarivanje prava.
- (2) Izuzetak od općeg uvjeta neprekidnosti prebivališta/boravišta je pravo iz tačke e) stav (1) člana 3. ovog pravilnika, gdje je u smislu dokaza prebivališta odnosno boravišta u Kantunu Sarajevo potreban dokaz trenutne prijave prebivališta, odnosno boravišta.
- (3) Pojam "neprekidno" iz stava (1) ovog člana podrazumjeva i prekide u prebivalištu/boravištu, ne duže od tri mjeseca u toku jedne kalendarske godine, ukoliko se isti odnose na prijavu u mjesto prijeratnog prebivališta.

ODJELJAK A - PLAĆANJE DIJELA TROŠKOVA VANREDNOG ŠKOLOVANJA I PARALELNOG SAMOFINANSIRAJUĆEG**Član 9.**

(Posebni uvjeti za plaćanje troškova polaganja dopunskih i razrednih ispita)

- (1) Jednokratna novčana pomoć za plaćanje troškova polaganja dopunskih i razrednih ispita može se dodijeliti jednom u visini punog iznosa troškova polaganja dopunskih i razrednih ispita iz računa ili predračuna obrazovne ustanove, pod uvjetom da se školovanjem stiče prvo zanimanje nakon završene osnovne škole.
- (2) Jednokratna novčana pomoć izuzetno se može dodijeliti u visini do 60% od cijene troškova školovanja iz računa ili predračuna obrazovne ustanove i ukoliko se školovanjem ne stiče prvo zanimanje, pod uvjetima:
 - a) da se radi o mogućnosti lakšeg zapošljavanja lica iz člana 1. Zakona, koji sa postojećom kvalifikacijom ne mogu naći posao;
 - b) da je prekvalifikacija uvjet za ostanak na radnom mjestu za podnosioca zahtjeva ukoliko je zaposlen, o čemu podnosioc zahtjeva dostavlja ovjerenu pismenu potvrdu poslodavca. Pored navedenog, podnosioc zahtjeva dostavlja potvrdu od poslodavca da će ga po završetku prekvalifikacije rasporediti na odgovarajuće radno mjesto u skladu sa stečenom stručnom spremom.

Član 10.

(Kriteriji i obavezna dokumentacija za plaćanje troškova vanrednog školovanja)

- (1) Kriteriji za ostvarivanje jednokratne novčane pomoći za plaćanje troškova vanrednog školovanja su:
 - a) pripadnost kategoriji lica iz člana 1. Zakona;
 - b) da je školska ustanova sa sjedištem na području Kantona Sarajevo;
 - c) račun ili predračun obrazovne ustanove.
- (2) Obavezna dokumentacija koju dostavlja podnosioc zahtjeva za dodjelu jednokratne novčane pomoći za plaćanje troškova vanrednog školovanja je:
 - a) dokaz da je lice iz člana 1. Zakona (uvjerenje o vremenu provedenom u OS R BiH u trajanju od najmanje godinu dana-obrazac FMB-3a, uvjerenje da je korisnik lične invalidnine, uvjerenje da je korisnik porodične invalidnine, uvjerenje da je korisnik prava na mjesečno novčano primanje za dobitnike ratnih priznanja i odlikovanja i članova

porodica poginulih, umrlih i nestalih dobitnika ratnog priznanja i odlikovanja);

- b) uvjerenje o kretanju za podnosioca zahtjeva;
- c) uvjerenje da podnosioc zahtjeva nema duga po osnovu javnih prihoda (fizičko lice, vlasnik, osnivač/odgovorna osoba);
- d) potvrda obrazovne ustanove iz koje je vidljivo da je podnosioc zahtjeva upisan na traženo školovanje;
- e) račun ili predračun obrazovne ustanove iz koje će biti vidljiva specifikacija usluga i cijena troškova školovanja;
- f) potvrda poslodavca da je za podnosioca zahtjeva prekvalifikacija uvjet za ostanak na radnom mjestu ukoliko je zaposlen i potvrda od poslodavca da će ga po završetku prekvalifikacije rasporediti na odgovarajuće radno mjesto u skladu sa stečenom stručnom spremom ili uvjerenje Službe za zapošljavanje ukoliko je podnosioc zahtjeva nezaposlen;
- g) izvod iz matične knjige rođenih (trajnog karaktera).

- (3) Dokazi iz stava (1) ovog člana dostavljaju se u originalu ili kopiji ovjerenoj od nadležnog općinskog organa i ne mogu biti stariji od šest mjeseci od dana podnošenja zahtjeva.

Član 11.

(Posebni uvjeti za plaćanje troškova vanrednog i samofinansirajućeg I ciklusa Bolonjskog sistema studija na visokoškolskim ustanovama)

- (1) U skladu sa raspoloživim finansijskim sredstvima lica iz člana 1. Zakona mogu ostvariti pravo na dodjelu jednokratne novčane pomoći za plaćanje troškova vanrednog i samofinansirajućeg I ciklusa Bolonjskog sistema studija na visokoškolskim ustanovama u visini do 60% od cijene troškova školovanja jedne godine studija iz računa ili predračuna visokoškolske ustanove, pod slijedećim posebnim uvjetima:
 - a) da je visokoškolska ustanova sa sjedištem na području Kantona Sarajevo;
 - b) da podnosioc zahtjeva ne obnavlja godinu-upis;
 - c) da podnosioc zahtjeva nije stipendista Fonda "Ikre" u tekućoj akademskoj godini.
- (2) Dokazi iz stava (1) ovog člana dostavljaju se u originalu ili kopiji ovjerenoj od nadležnog općinskog organa i ne mogu biti stariji od šest mjeseci od dana podnošenja zahtjeva.

Član 12.

(Izuzetak u ostvarivanju prava na plaćanje troškova vanrednog i samofinansirajućeg I ciklusa Bolonjskog sistema studija)

Jednokratna novčana pomoć za plaćanje troškova vanrednog i samofinansirajućeg I ciklusa Bolonjskog sistema studija na visokoškolskim ustanovama može se dodijeliti u maksimalnoj visini iznosa cjelokupnih troškova jedne godine studija na visokoškolskoj ustanovi ako se radi o izuzetno uspješnim studentima sa prosjekom ocjena iznad 8,5 i više, a koje cijeni Sektor za BIZ.

Član 13.

(Obavezna dokumentacija za dodjelu jednokratne pomoći za plaćanje troškova vanrednog i samofinansirajućeg I ciklusa Bolonjskog sistema studija)

- (1) Obavezna dokumentacija koju dostavlja podnosioc zahtjeva za dodjelu jednokratne novčane pomoći za plaćanje troškova vanrednog i samofinansirajućeg I ciklusa Bolonjskog sistema studija je:
 - a) dokaz da je lice iz člana 1. Zakona (uvjerenje o vremenu provedenom u OS R BiH u trajanju od

- najmanje godinu dana-obrazac FMB-3a, uvjerenje da je korisnik lične invalidnine, uvjerenje da je korisnik porodične invalidnine, uvjerenje da je korisnik prava na mjesечно novčano primanje za dobitnike ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja);
- b) uvjerenje o kretanju za podnosioca zahtjeva;
 - c) uvjerenje da podnositelj zahtjeva nema duga po osnovu javnih prihoda (fizičko lice, vlasnik, osnivač/odgovorna osoba);
 - d) potvrda visokoškolske ustanove iz koje je vidljivo da je podnositelj zahtjeva upisan na traženi studij i potvrda o prosjeku ocjena ako se radi o izuzetno uspješnim studentima sa prosjekom ocjena iznad 8,5 i više;
 - e) račun ili predračun visokoškolske ustanove iz koje će biti vidljiva specifikacija usluga i cijena troškova studija;
 - f) potvrda da podnositelj zahtjeva ne obnavlja godinu-upis;
 - g) izvod iz matične knjige rođenih (trajnog karaktera).
- (2) Dokazi iz stava (1) ovog člana dostavljaju se u originalu ili kopiji ovjerenoj od nadležnog općinskog organa i ne mogu biti stariji od šest mjeseci od dana podnošenja zahtjeva.

ODJELJAK B - PLAĆANJE DIJELA TROŠKOVA II I III CIKLUSA BOLONJSKOG SISTEMA STUDIJA

Član 14.

(Posebni uvjeti za plaćanje troškova II i III ciklusa Bolonjskog sistema studija)

- (1) U skladu sa raspoloživim finansijskim sredstvima lica iz člana 1. Zakona mogu ostvariti pravo na dodjelu jednokratne novčane pomoći za plaćanje troškova II i III ciklusa Bolonjskog sistema studija, pod sljedećim uvjetima:
- a) da je visokoškolska ustanova sa sjedištem na području Kantona Sarajevo;
 - b) da podnositelj zahtjeva ne obnavlja godinu-upis;
 - c) da podnositelj zahtjeva nije stipendista Fonda "Ikre" u tekućoj akademskoj godini.
- (2) Dokazi iz stava (1) ovog člana dostavljaju se u originalu ili kopiji ovjerenoj od nadležnog općinskog organa i ne mogu biti stariji od šest mjeseci od dana podnošenja zahtjeva.

Član 15.

(Obavezna dokumentacija za dodjelu jednokratne novčane pomoći za plaćanje dijela troškova II i III ciklusa Bolonjskog sistema studija)

- (1) Obavezna dokumentacija koju dostavlja podnositelj zahtjeva za dodjelu jednokratne novčane pomoći za plaćanje dijela troškova II i III ciklusa Bolonjskog sistema studija je:
- a) dokaz da je lice iz člana 1. Zakona (uvjerenje o vremenu provedenom u OS R BiH u trajanju od najmanje godinu dana-obrazac FMB-3a, uvjerenje da je korisnik lične invalidnine, uvjerenje da je korisnik porodične invalidnine, uvjerenje da je korisnik prava na mjesечно novčano primanje za dobitnike ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja);
 - b) uvjerenje o kretanju za podnosioca zahtjeva;

- c) uvjerenje da podnositelj zahtjeva nema duga po osnovu javnih prihoda (fizičko lice, vlasnik, osnivač/odgovorna osoba);
- d) potvrda visokoškolske ustanove iz koje je vidljivo da je podnositelj zahtjeva upisan na traženi studij i potvrda o prosjeku ocjena za lica koja postižu vanredne rezultate na studiju (prosjek ocjena od 9,0 do 10);
- e) račun ili predračun visokoškolske ustanove iz koje će biti vidljiva specifikacija usluga i cijena troškova studija;
- f) potvrda da podnositelj zahtjeva ne obnavlja godinu-upis;
- g) izvod iz matične knjige rođenih (trajnog karaktera). Dokazi iz stava (1) ovog člana dostavljaju se u originalu ili kopiji ovjerenoj od nadležnog općinskog organa i ne mogu biti stariji od šest mjeseci od dana podnošenja zahtjeva.

Član 16.

(Ostvarivanje prava na plaćanje troškova II i III ciklusa Bolonjskog sistema studija)

- (1) Jednokratna novčana pomoć za plaćanje troškova II i III ciklusa Bolonjskog sistema studija može se dodjeliti u visini 1/3 troškova školovanja za jednu godinu studija, što je vidljivo iz računa ili predračuna visokoškolske ustanove, a izuzetno licima koja postižu vanredne rezultate na studiju (prosjek ocjena od 9,0 do 10) do maksimalnog iznosa cijelokupnih troškova jedne godine studija na visokoškolskoj ustanovi.

Član 17.

(Refundacija troškova školovanja)

Lica koja su već izvršila plaćanje troškova školovanja vlastitim sredstvima ne mogu ostvariti pravo na jednokratnu novčanu pomoć za troškove školovanja putem refundacije, niti Ministarstvo može preuzeti troškove školovanja nastale za prethodne godine školovanja.

ODJELJAK C – DODJELA NOVČANIH SREDSTAVA ZA RJEŠAVANJE SOCIJALNIH POTREBA

Član 18.

(Vidovi socijalnih potreba)

- (1) Jednokratna novčana pomoć za rješavanje socijalnih potreba, po ukazanoj potrebi može se dodjeljivati licima iz člana 1. Zakona koji se nalaze u stanju socijalne potrebe, teže bolesti, elementarne nepogode, nabavke lijekova, u svrhu grijanja i ostalih slučajeva teških socijalno-ekonomskih situacija koji mogu dovesti do ugrožavanja osnovnih životnih potreba.
- (2) Jednokratna novčana pomoć za rješavanje socijalnih potreba se dijeli na tri osnovne grupe:
- a) teže bolesti;
 - b) druge socijalne potrebe (zadovoljavanje osnovnih životnih potreba, nabavka lijekova, poplave, požari i sl.);
 - c) grijanje.
- (3) Za potrebe odlučivanja o dodjeli jednokratne novčane pomoći za rješavanje socijalnih potreba iz tačke a) i b) ministar imenuje Komisiju.

Član 19.

(Posebni uvjeti, kriteriji i postupak za ostvarivanje jednokratne novčane pomoći za rješavanje socijalnih potreba)

- (1) Posebni uvjeti za ostvarivanje jednokratne novčane pomoći za rješavanje socijalnih potreba su da podnositelj zahtjeva nije tekuće godine dobio jednokratnu novčanu pomoć za rješavanje socijalnih potreba od ovog Ministarstva i da postoji socijalna potreba, koju nakon

- ocjene Sektora za BIZ o ispunjavanju uvjeta iz Zakona i ovog pravilnika određuje i utvrđuje Komisija, a koja u svakom konkretnom slučaju cijeni potrebu za dodjelom ove vrste pomoći i daje prijedlog ministru o visini iznosa jednokratnih novčanih pomoći, uz navođenje osnova dodjele jednokratne novčane pomoći u obrazloženju.
- (2) Posebni kriteriji za ostvarivanje prava na dodjelu jednokratne novčane pomoći su prvenstveno:
- teže bolesti lica iz člana 1. Zakona i teže bolesti članova porodice koji žive u zajedničkom domaćinstvu;
 - elementarne nepogode (požar, poplava, potres, udar groma i sl.);
 - ostali slučajevi teških socijalno-ekonomskih situacija koje ugrožavaju osnovne životne potrebe (nezaposlenost, neimaština i sl.).
- (3) Razrada kriterija iz stava (1) i (2) ovog člana po iznosima visine jednokratne novčane pomoći:
- teže bolesti lica iz člana 1. Zakona i teže bolesti članova porodice koji žive u zajedničkom domaćinstvu su:
 - maligna oboljenja do 5.000,00 KM;
 - endemska nefropatija do 5.000,00 KM;
 - akutna tuberkuloza do 2.000,00 KM;
 - infarkt (moždani, srčani) do 2.000,00 KM;
 - autoimune i sistemske bolesti: rheumatoid arthritis, vegenerova granuloamatoza, sjegrenov sindrom, sclerodermia, sistemski lupus, erythematoses, bechterova bolest, hronične intersticijalne eozinofilne pneumoniae i sl. do 2.000,00 KM;
 - terminalna renalna insuficijencija na hemodializu do 2.000,00 KM;
 - povrede mozga sa senzomotoričnim ispadima oduzetošću i nepokretnošću do 2.000,00 KM;
 - stanje poslije hirurškog zahvata srca do 1.500,00 KM;
 - birgerova bolest do 1.500,00 KM;
 - sva degenerativna oboljenja centralnog nervnog sistema do 1.000,00 KM;
 - oboljenje mišićnog sistema i paralize do 1.000,00 KM;
 - epilepsija do 1.000,00 KM;
 - povrede koje dovode do ukočenosti zglobova i amputacije ekstremiteta do 1.000,00 KM;
 - srčane mane urođene i stečene do 1.000,00 KM;
 - ciroza jetre do 1.000,00 KM;
 - ostale bolesti do 600,00 KM.
 - nabavka skupih lijekova i ortopedskih pomagala do 1.500,00 KM;
 - elementarne nepogode:
 - požar do 2.000,00 KM;
 - poplava do 2.000,00 KM;
 - potres do 1.000,00 KM;
 - udar groma do 1.000,00 KM;
 - ostale prirodne nepogode do 500,00 KM.
 - ostali slučajevi teških socijalno-ekonomskih situacija (nezaposlenost, neimaština i sl.) koje ugrožavaju osnovne životne potrebe do 500,00 KM, a u slučaju da su prethodno navedene situacije kumulativno obuhvaćene do 1.000,00 KM;
 - za sve navedene slučajeve iz kriterija a), b), c) i d) ukoliko za to postoji posebna potreba, a prema ocjeni Komisije, mogu se odobriti i drugi iznosi jednokratnih novčanih pomoći maksimalno do visine deset prosječnih plaća ostvarenih u Kantonu Sarajevo u prethodnoj kalendarskoj godini;
- (4) Prilikom primjene kriterija Komisija će uzeti u obzir sljedeće:
- vrsta, težina konkretnog socijalnog problema i potreba hitnosti njegovog rješavanja;
 - radni status i ukupna primanja radno sposobnih članova porodičnog domaćinstva uključujući i primanja po osnovu davanja iz oblasti boračko-invalidske i socijalne zaštite;
 - stambena situacija podnosioca zahtjeva;
 - broj izdržavanih nezaposlenih i bolesnih članova porodičnog domaćinstva;
 - težina i vrsta oboljenja;
 - vrsta i cijena koštanja liječenja i potrebnih lijekova;
 - procjena oštećenja objekta uslijed elementarne nepogode izvršena od strane nadležnih institucija;
 - drugi faktori koji prema ocjeni Sektora za BIZ i Komisije ukazuju na nemogućnost djelimičnog ili cijelovitog zadovoljavanja osnovnih životnih potreba.
- (5) Prioritet za dodjelu jednokratne novčane pomoći za rješavanje socijalnih potreba pod jednakim uvjetima imaju podnosioci zahtjeva koji ranije nisu bili korisnici ovog prava.
- (6) Podnositac zahtjeva u tekućoj godini može ostvariti pravo na jednokratnu novčanu pomoć samo po jednom osnovu iz člana 18. stav (2) ovog pravilnika.
- (7) U slučaju da u istom domaćinstvu ima više lica iz člana 1. Zakona, zahtjev za dodjelu jednokratne novčane pomoći može podnijeti samo jedno lice, odnosno jednokratna novčana pomoć se može dodjeliti samo jednom licu iz člana 1. Zakona koji žive u istom domaćinstvu.
- (8) Periodično se formira lista lica sa nepotpunom dokumentacijom, sa navođenjem dokumentacije koja u postupku nedostaje i rokom za dopunu iste od 15 dana od dana objavljivanja liste na info-punkt i web stranici Ministarstva. Ako podnosioci zahtjeva sa nepotpunom dokumentacijom ne otklone nedostatke u ostavljenom roku, ministarstvo će donijeti kolektivnu odluku kojom odbija zahtjeve, protiv koje se može izjaviti žalba ministru u roku od 15 dana od dana objavljivanja liste na info-punkt i web stranici Ministarstva. Rješenje koje ministar doneše po žalbi je konačno.
- (9) Za lica koja ne ispunjavaju uvjete za dodjelu jednokratne novčane pomoći u skladu sa Zakonom i ovim pravilnikom ministarstvo će donijeti kolektivnu odluku kojom se odbijaju zahtjevi, sa navođenjem pravnog osnova i razloga za odbijanje istih. Protiv odluke se može izjaviti žalba ministru u roku od 15 dana od dana objavljivanja liste na info-punkt i web stranici Ministarstva. Rješenje koje ministar doneše po žalbi je konačno.
- (10) Za lica koja ispunjavaju uvjete za dodjelu jednokratne novčane pomoći ministarstvo će donijeti kolektivnu odluku koja se objavljuje na info-punkt i web stranici Ministarstva.

Član 20.

(Obavezna dokumentacija za ostvarivanje jednokratne novčane pomoći za rješavanje socijalnih potreba)

- (1) Obavezna dokumentacija koju dostavlja podnositac zahtjeva za dodjelu jednokratne novčane pomoći za rješavanje drugih socijalnih potreba je:

- dokaz da je lice iz člana 1. Zakona (uvjerenje o vremenu provedenom u OS R BiH u trajanju od najmanje godinu dana-obrazac FMB-3a, uvjerenje

- da je korisnik lične invalidnine, uvjerenje da je korisnik porodične invalidnine, uvjerenje da je korisnik prava na mjesечно novčano primanje za dobitnike ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja);
- b) medicinska dokumentacija za podnosioca zahtjeva ili za člana njegovog porodičnog domaćinstva ne starija od tri godine od dana podnošenja zahtjeva (otpusno pismo, izvod iz medicinske dokumentacije i sl.);
- c) uvjerenje o kretanju za podnosioca zahtjeva; kućna lista;
- e) uvjerenje da podnosioc zahtjeva i punoljetni članovi njegovog porodičnog domaćinstva nemaju duga po osnovu javnih prihoda (fizičko lice, vlasnik, osnivač/odgovorna osoba);
- f) izvod iz matične knjige rođenih (trajnog karaktera) za podnosioca zahtjeva koji živi sam, a za podnosioca zahtjeva koji je bio u bračnoj zajednici presudu o razvodu braka;
- g) potvrda banke o otvorenom računu;
- h) dokazi o ukupnim mjesecnim prihodima-primanjima podnosioca zahtjeva i članova njegovog porodičnog domaćinstva po osnovu: radnog odnosa, boračko-invalidske zaštite, penzije, samostalne djelatnosti i drugih osnova ili uvjerenje Službe za zapošljavanje ukoliko je podnosioc zahtjeva nezaposlen, kao i za nezaposlene članove njegovog porodičnog domaćinstva (samo za slučajeve socijalne potrebe zadovoljavanja osnovnih životnih potreba).
- (2) Kriterij za ostvarivanje prava na dodjelu jednokratne novčane pomoći (samo za slučajeve socijalne potrebe zadovoljavanja osnovnih životnih potreba) je da ukupni mjesечni prihodi, uključujući i prihode po osnovu boračko-invalidske zaštite, po članu porodičnog domaćinstva ne prelaze visinu od 40% od prosječne plage ostvarene u Kantunu Sarajevo u prethodnoj kalendarskoj godini.
- (3) Dokazi iz stava (1) ovog člana dostavljaju se u originalu ili kopiji ovjerenoj od nadležnog općinskog organa i ne mogu biti stariji od šest mjeseci od dana podnošenja zahtjeva.
- Član 21.**
(Visina jednokratne novčane pomoći za socijalne potrebe)
Jednokratna novčana pomoć za rješavanje socijalnih potreba dodjeljuje se prema kriterijima iz člana 19. ovog pravilnika, a ista se može odobriti maksimalno do visine deset prosječnih plaća ostvarenih u Kantunu Sarajevo u prethodnoj kalendarskoj godini.
- Član 22.**
(Uvjeti za ostvarivanje jednokratne novčane pomoći za grijanje)
- Lica iz člana 1. Zakona mogu ostvariti pravo na jednokratnu novčanu pomoć za rješavanje socijalne potrebe grijanja pod uvjetom da imaju prebivalište, odnosno boravište na području Kantuna Sarajevo, najmanje 10 godina neprekidno do 01.01. one godine u kojoj se predaje zahtjev za ostvarivanje prava.
- Član 23.**
(Kriteriji za ostvarivanje jednokratne novčane pomoći za grijanje)
- Kriteriji za ostvarivanje jednokratne novčane pomoći za grijanje su:
- a) pripadnost kategoriji lica iz člana 1. Zakona;
- b) nezaposlenost podnosioca zahtjeva ili članova njegovog porodičnog domaćinstva;
- c) ukupna novčana primanja porodičnog domaćinstva uključujući i primanja po osnovu socijalne i boračko-invalidske zaštite;
- d) veći broj članova porodičnog domaćinstva;
- e) da podnosioc zahtjeva nije tekuće godine dobio jednokratnu novčanu pomoć za rješavanje socijalnih potreba od Ministarstva.
- Član 24.**
(Obavezna dokumentacija za ostvarivanje jednokratne novčane pomoći za grijanje)
- (1) Obavezna dokumentacija koju dostavlja podnosioc zahtjeva za dodjelu jednokratne novčane pomoći za grijanje je:
- a) dokaz da je lice iz člana 1. Zakona (uvjerenje o vremenu provedenom u OS R BiH u trajanju od najmanje godinu dana-obrazac FMB-3a, uvjerenje da je korisnik lične invalidnine, uvjerenje da je korisnik prava na mjesечно novčano primanje za dobitnike ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja);
- b) uvjerenje o kretanju za podnosioca zahtjeva;
- c) kućna lista;
- d) uvjerenje Službe za zapošljavanje ukoliko je podnosioc zahtjeva nezaposlen, kao i za nezaposlene članove njegovog porodičnog domaćinstva;
- e) uvjerenje da podnosioc zahtjeva i punoljetni članovi njegovog porodičnog domaćinstva nemaju duga po osnovu javnih prihoda (fizičko lice, vlasnik, osnivač/odgovorna osoba);
- f) dokazi o ukupnim mjesecnim prihodima-primanjima podnosioca zahtjeva i članova njegovog porodičnog domaćinstva po osnovu: radnog odnosa, boračko-invalidske zaštite, penzije, samostalne djelatnosti i drugih osnova;
- g) izjava za korisnike čvrstog ogrjeva da isti koriste u zagrijavanju stambenog prostora, a za korisnike drugih energenata prilikom grijanja neophodno je dostaviti račune iz mjeseca januara i juna tekuće godine, iz kojih će biti vidljiv način zagrijavanja stambenog prostora;
- h) potvrda banke o otvorenom računu.
- (2) Dokazi iz stava (1) ovog člana dostavljaju se u originalu ili kopiji ovjerenoj od nadležnog općinskog organa i ne mogu biti stariji od šest mjeseci od dana podnošenja zahtjeva.
- Član 25.**
(Postupak za ostvarivanje jednokratne novčane pomoći za grijanje)
- (1) Postupak za ostvarivanje jednokratne novčane pomoći za grijanje provodi Ministarstvo.
- (2) Za ostvarivanje jednokratne novčane pomoći za grijanje, svake godine saglasno odobrenim budžetskim sredstvima, Ministarstvo objavljuje poseban javni poziv putem sredstava informisanja. U javnom pozivu će biti preciziran način i postupak za ostvarivanje jednokratne novčane pomoći za grijanje.
- (3) Zahtjev za ostvarivanje jednokratne novčane pomoći za grijanje podnosi se u skladu sa rokom propisanim javnim pozivom iz stava (2) ovog člana, na posebnom obrascu koji propisuje Ministarstvo.

- (4) Vidovi grijanja su:
- čvrsto gorivo;
 - centralno grijanje;
 - plinsko grijanje;
 - grijanje na struju.
- (5) Nakon provedenog postupka stručna Komisija formira listu lica koja ispunjavaju uvjete i listu lica koja ne ispunjavaju uvjete za ostvarivanje jednokratne novčane pomoći za grijanje.
- (6) Na liste iz stava (5) ovog člana može se podnijeti prigovor ministru. Rješenje koje ministar doneće po prigovoru je konačno.
- (7) S obzirom na pristigli broj zahtjeva za pojedine vidove grijanja, ministar donosi odluku o sufinsaniranju grijanja u kojoj se precizira način i visina sufinsaniranja za pojedine vidove grijanja.
- (8) Za čvrsto gorivo sufinsaniranje se vrši na način da Ministarstvo vrši uplatu na bankovni račun korisnika, dok za ostale vidove grijanja sufinsaniranje se vrši na način da Ministarstvo uplaćuje novčana sredstva javnim preduzećima koja isporučuju energente za grijanje korisnicima. U sporazumima sa javnim preduzećima će biti regulisani detalji koji se odnose na uvjete i način realizacije jednokratne novčane pomoći za grijanje.
- (9) Za potrebe odlučivanja o dodjeli jednokratne novčane pomoći za grijanje, ministar formira stručnu Komisiju koja se sastoji od 5 članova, čiji je zadatak da pregleda pristigle zahtjeve, da utvrdi da li podnosioci zahtjeva ispunjavaju, odnosno ne ispunjavaju uvjete iz propisanih kriterija, te da izvrši bodovanje lica koja ispunjavaju uvjete.
- (10) Bodovanje se vrši na način i po kriterijima:
- Pripadnost boračkoj populaciji:
 - Porodica šehida, porodica poginulog, umrlog i nestalog branioca - 65 bodova.
 - Ratni vojni invalidi prema procentu oštećenja organizma:
 - RVI sa procentom tjelesnog oštećenja 100% I i II grupe - 64 boda;
 - RVI sa procentom tjelesnog oštećenja 90% III grupe - 63 boda;
 - RVI sa procentom tjelesnog oštećenja 80% IV grupe - 62 boda;
 - RVI sa procentom tjelesnog oštećenja 70% V grupe - 61 bod;
 - RVI sa procentom tjelesnog oštećenja 60% VI grupe - 60 bodova;
 - RVI sa procentom tjelesnog oštećenja 50% VII grupe - 59 bodova;
 - RVI sa procentom tjelesnog oštećenja 40% VIII grupe - 58 bodova;
 - RVI sa procentom tjelesnog oštećenja 30% IX grupe - 57 bodova;
 - RVI sa procentom tjelesnog oštećenja 20% X grupe - 56 bodova.
 - Supruga umrlog RVI-a - polovinu bodova od procenta invaliditeta umrlog supruga.
 - Demobilizirani branioci - od 12 do 55 bodova (1 bod po mjesecu učešća u OS R BiH).
 - Dobitnici ratnih priznanja i odlikovanja - dodatno 5 bodova.
 - Maloljetni branioci i žene branioci - dodatno 5 bodova.
- (11) Kriterij za ostvarivanje prava na dodjelu jednokratne novčane pomoći za grijanje je da ukupni mjesечni prihodi, uključujući i prihode po osnovu boračko-invalidske zaštite, po članu porodičnog domaćinstva ne prelaze visinu od 40% od prosječne plaće ostvarene u Kantonu Sarajevo u prethodnoj kalendarskoj godini.
- (12) Lista lica koja ispunjavaju uvjete i lista lica koja ne ispunjavaju uvjete objavljaju se na info-punktu i web stranici Ministarstva, dok se obavijest o listama objavljuje u jednom dnevnom listu koji se distribuira na području Federacije BiH.

ODJELJAK D – PLAĆANJE TROŠKOVA STANARINE**Član 26.**

(Posebni uvjeti i kriteriji za ostvarivanje jednokratne novčane pomoći za plaćanje troškova stanarine)

Kriteriji za ostvarivanje jednokratne novčane pomoći za plaćanje troškova stanarine su:

- da podnositelj zahtjeva kao i članovi njegovog porodičnog domaćinstva nemaju na drugi način riješeno stambeno pitanje na području Kantona Sarajevo;
- da je ugovor o podstanarstvu ovjeren od strane nadležnog općinskog organa i nadležne poreske uprave.

Član 27.

(Visina jednokratne novčane pomoći za plaćanje troškova stanarine)

- (1) Visina odobrenog iznosa plaćanja troškova stanarine utvrđuje se prema broju članova porodičnog domaćinstva i to:
- za podnositelja zahtjeva - samac - 300,00 KM mjesечно;
 - za podnositelja zahtjeva sa jednim članom porodičnog domaćinstva - 350,00 KM mjesечно;
 - za podnositelja zahtjeva sa dva ili više članova porodičnog domaćinstva - 400,00 KM mjesечно.
- (2) Jednokratna novčana pomoć za plaćanje troškova stanarine može se podnositelju zahtjeva odobriti za šest mjeseci, a izuzetno, prema procjeni stanja, u socijalno opravdanim slučajevima u maksimalnom trajanju od dvanaest mjeseci.

Član 28.

(Obavezna dokumentacija za plaćanje troškova stanarine)

- (1) Obavezna dokumentacija koju dostavlja podnositelj zahtjeva za dodjelu jednokratne novčane pomoći za plaćanje troškova stanarine je:
- dokaz da je lice iz člana 1. Zakona (uvjerenje o vremenu provedenom u OS R BiH u trajanju od najmanje godinu dana-obrazac FMB-3a, uvjerenje da je korisnik lične invalidnine, uvjerenje da je korisnik porodične invalidnine, uvjerenje da je korisnik prava na mjesечно novčano primanje za dobitnike ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja);
 - ugovor o podstanarstvu ovjeren od strane nadležnog općinskog organa i nadležne poreske uprave;
 - uvjerenje o kretanju za podnositelja zahtjeva;
 - kućna lista;
 - uvjerenje Službe za zapošljavanje ukoliko je podnositelj zahtjeva nezaposlen, kao i za

- nezaposlene članove njegovog porodičnog domaćinstva;
- f) uvjerenje da podnositelj zahtjeva i punoljetni članovi njegovog porodičnog domaćinstva nemaju duga po osnovu javnih prihoda (fizičko lice, vlasnik, osnivač/odgovorna osoba);
- g) dokazi o ukupnim mjesecnim prihodima-primanjima podnosioca zahtjeva i članova njegovog porodičnog domaćinstva po osnovu: radnog odnosa, boračko-invalidske zaštite, penzije, samostalne djelatnosti i drugih osnova;
- h) izjava da podnositelj zahtjeva plaća stanarinu, te da ne posjeduje stambenu jedinicu na području Kantona Sarajevo;
- i) potvrda banke o otvorenom računu.
- (2) Kriterij za ostvarivanje prava na dodjelu jednokratne novčane pomoći (samo za slučajevе socijalne potrebe zadovoljavanja osnovnih životnih potreba) je da ukupni mjesecni prihodi, uključujući i prihode po osnovu boračko-invalidske zaštite, po članu porodičnog domaćinstva ne prelaze visinu od 40% od prosječne plaće ostvarene u Kantunu Sarajevo u prethodnoj kalendarskoj godini.
- (3) Dokazi iz stava (1) ovog člana dostavljaju se u originalu ili kopiji ovjerenoj od nadležnog općinskog organa i ne mogu biti stariji od šest mjeseci od dana podnošenja zahtjeva.
- ODJELJAK E – PLAĆANJE TROŠKOVA U PROCESU ODBRANE**
- Član 29.**
(Uvjeti za pružanje jednokratne novčane pomoći u plaćanju troškova u procesu odbrane)
- (1) Skupština Kantona Sarajevo dala je punu podršku Ministarstvu, da u skladu sa zakonskim ovlaštenjima i svim drugim mogućnostima, a u okviru predviđenih sredstava za finansiranje pravne pomoći u korist branilaca BiH, u Budžetu Kantona Sarajevo, pruži sve vrste pomoći osumnjičenim i optuženim bivšim pripadnicima Armije BiH u predmetima ratnih zločina do pravosnažnosti presude, kao i članovima njihovih porodica.
- (2) Jednokratna novčana pomoć u plaćanju troškova u procesu odbrane može se dodjeljivati bivšim pripadnicima Armije R BiH i MUP R BiH, kao i članovima njihovih porodica, koji su učestvovali u odbrani suvereniteta i cjelevitosti Bosne i Hercegovine, a koji su optuženi u predmetima ratnih zločina do pravosnažnosti presude.
- (3) O jednokratnoj novčanoj pomoći u plaćanju troškova u procesu odbrane odlučuje se nakon podnesenog zahtjeva sa odgovarajućom dokumentacijom, a ista se može dodjeliti i članovima njihovog porodičnog domaćinstva, koji se nalaze u stanju socijalne potrebe, teže bolesti, i ostalih slučajeva teških socijalno-ekonomskih situacija, koje mogu dovesti do ugrožavanja osnovnih životnih potreba.

Član 30.

(Postupak za ostvarivanje jednokratne novčane pomoći u plaćanju troškova u procesu odbrane)

- (1) Optuženo ili osumnjičeno lice, odnosno član porodičnog domaćinstva ukoliko se optuženo ili osumnjičeno lice nalazi u pritvoru, podnosi zahtjev za odobravanje jednokratne novčane pomoći na predviđenom obrascu, uz sljedeću dokumentaciju:
- a) dokaz da je lice iz člana 1. Zakona (uvjerenje o vremenu provedenom u OS R BiH u trajanju od najmanje godinu dana-obrazac FMB-3a, uvjerenje

da je korisnik lične invalidnine, uvjerenje da je korisnik porodične invalidnine, uvjerenje da je korisnik prava na mjesечно novčano primanje za dobitnike ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja;

b) dokaz o pokretanju istrage, podizanju ili potvrđivanju optužnice i drugo (rješenje, optužnica i sl.);

c) dokaz o troškovima odbrane (ugovor sa advokatom i sl.);

d) prijava mjesta prebivališta-boravišta;

e) medicinska dokumentacija za podnosioca zahtjeva ili za člana njegovog porodičnog domaćinstva ne starija od tri godine od dana podnošenja zahtjeva (otpusno pismo, izvod iz medicinske dokumentacije i sl.);

f) kućna lista;

g) dokazi o ukupnim mjesecnim primanjima podnosioca zahtjeva i članova njegovog porodičnog domaćinstva po osnovu: radnog odnosa, boračko-invalidske zaštite, penzije, samostalne djelatnosti i drugih osnova ili uvjerenje Službe za zapošljavanje ukoliko je podnositelj zahtjeva nezaposlen, kao i za nezaposlene članove njegovog porodičnog domaćinstva;

h) izjava o osiguranim sredstvima iz drugih izvora.

- (2) Dokazi iz stava (1) ovog člana dostavljaju se u originalu ili kopiji ovjerenoj od nadležnog općinskog organa i ne mogu biti stariji od šest mjeseci od dana podnošenja zahtjeva.
- (3) Za potrebe odlučivanja o dodjeli jednokratne pomoći u plaćanju troškova u procesu odbrane, ministar formira posebnu Komisiju, čiji je zadatak da ocjeni da li podnositelj zahtjeva ispunjava uvjete za dodjelu ove vrste pomoći, te da predloži ministru visinu iznosa jednokratne novčane pomoći, uz obrazloženje prijedloga.
- (4) Komisija iz prethodnog stava broji najmanje tri člana od čega najmanje jedan mora biti renomirani advokat/dipl. pravnik i najmanje jedan član kandidovan ispred "Koordinacionog odbora boračkih organizacija Kantona Sarajevo".

Član 31.

(Lica koja ne mogu ostvariti jednokratnu novčanu pomoć u plaćanju troškova u procesu odbrane)

Pravo na jednokratnu novčanu pomoć u plaćanju troškova u procesu odbrane ne mogu ostvariti lica protiv kojih je donesena pravosnažna presuda za počinjene ratne zločine i lica kod kojih su evidentirane okolnosti iz člana 36. Zakona o pravima branilaca i članova njihovih porodica ("Službene novine Federacije BiH", br. 33/4, 56/05 - Ispravka, 70/07, 9/10, 90/17 i 29/22).

Član 32.

(Visina jednokratne novčane pomoći u plaćanju troškova u procesu odbrane)

Visina jednokratne novčane pomoći u plaćanju troškova u procesu odbrane utvrđuje se na osnovu dostavljenog zahtjeva (obuhvat optužnice, vrste odgovornosti, zasluga podnosioca zahtjeva, visina troškova i sl.) i ocjene Komisije iz člana 30. stav (3), a prema budžetskim sredstvima predviđenim za ovu namjenu.

DIO ČETVRTI – PRELAZNE I ZAVRŠNE ODREDBE

Član 33.
(Izvještavanje)

Ministarstvo informiše Vladu Kantona Sarajevo o sredstvima utrošenim za ovu namenu u okviru godišnjeg izvještaja o radu Ministarstva.

Član 34.

(Prestanak primjene ranijih propisa)

Ovim Pravilnikom stavlja se van snage Pravilnik za utvrđivanje prava na dodjelu jednokratne novčane pomoći ("Službene novine Kantona Sarajevo", br. 37/22 i 39/22).

Član 35.

(Stupanje na snagu)

Ovaj Pravilnik stupa na snagu narednog dana od dana objavljanja u "Službenim novinama Kantona Sarajevo".

Broj 06-02-7761/23

29. marta 2023. godine
Sarajevo

Ministar
Dr. sc. Omer Osmanović, s. r.

OPĆINA CENTAR SARAJEVO**Općinski načelnik**

Na osnovu člana 69. Statuta Općine Centar Sarajevo, prečišćeni tekst ("Službene novine Kantona Sarajevo", broj 23/04) i čl. 24. i 26. Odluke o izvršavanju Budžeta Općine Centar Sarajevo za 2023. godinu ("Službene novine Kantona Sarajevo", br. 2/23), a u skladu sa Odlukom o utvrđivanju kriterija za korištenje sredstava tekuće rezerve (broj 10-49-2195/15 od 15.11.2015. godine), Općinski načelnik donosi

ZAKLJUČAK

Raspoređuju se sredstva tekuće rezerve Budžeta Općine Centar Sarajevo za 2023. godinu u iznosu 1.500,00 KM na ekonomski kod 614231-28, funkciju 1090, fond 012, projekt 2.5.4.1. - urgente socijalne pomoći korisniku za troškove liječenja Šahinpašić Mimi na ime jednokratne novčane pomoći za troškove liječenja licu u stanju socijalne potrebe.

Transfer sredstava će se izvršiti na transakcijski račun korisnika.

Korisnik sredstava Šahinpašić Mimo je obavezan dostaviti Službi za boračko-invalidsku i socijalnu zaštitu Općine Centar Sarajevo detaljan izvještaj sa svom potrebnom dokumentacijom o namjenskom utrošku sredstava u roku od 30 dana od dana realizacije projekta, a najkasnije do 31.12.2023. godine.

Zadužuje se Služba za finansije Općine Centar Sarajevo za finansijsku realizaciju ovog zaključka.

Zaključak o rasporedu tekuće rezerve stupa na snagu danom potpisivanja, a objavit će se u "Službenim novinama Kantona Sarajevo".

Broj 09/B-11-1961/23

13. marta 2023. godine
Sarajevo

Općinski načelnik
Srđan Mandić, s. r.

Na osnovu člana 69. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), čl. 24. i 26. Odluke o izvršavanju Budžeta Općine Centar Sarajevo za 2023. godinu ("Službene novine Kantona Sarajevo", br. 2/23), a u skladu sa Odlukom o utvrđivanju kriterija za korištenje sredstava tekuće rezerve (broj 10-49-2195/15 od 15.11.2015), općinski načelnik donosi

ZAKLJUČAK

Raspoređuju se sredstva tekuće rezerve Budžeta Općine Centar Sarajevo za 2023. godinu u iznosu od 1.000,00 KM Medijskom centru Vrhbosanske nadbiskupije na ekonomski

kod 614311, funkciju 0860, fond 012, projekt 2.7.1.1. za pripremu i izdavanje Katoličkog tjednika.

Transfer sredstava će se vršiti na račun Medijskog Centra broj 1549995000358880 otvoren kod Intesa Sanpaolo banke.

Korisnici sredstava Budžeta za 2023. godinu obavezni su u roku od mjesec dana po utrošku sredstava dostaviti Službi za obrazovanje, društvene djelatnosti, kulturu i sport izvještaj sa dokumentacijom o namjenskom utrošku sredstava, najkasnije do 31.12.2023. godine. Ukoliko sredstva budu nenamjenski utrošena ili Medijski centar vrhbosanske nadbiskupije ne dostavi izvještaj sa pratećom relevantnom dokumentacijom o namjenskom utrošku sredstava, isti se obavezuje izvršiti povrat nenamjenski utrošenih ili neiskorištenih sredstava Općini u roku od 7 (sedam) dana od zaprimanja zahtjeva Općine za povrat istih.

Zadužuje se Služba za finansije Općine Centar Sarajevo za finansijsku realizaciju ovog Zaključka.

Zaključak o rasporedu tekuće rezerve stupa na snagu danom potpisivanja, objaviti će se u "Službenim novinama Kantona Sarajevo".

Broj 13-11-1950/23

08. marta 2023. godine
Sarajevo

Općinski načelnik
Srđan Mandić, s. r.

ANEX 1. ETIČKOG KODEKSA IZABRANIH I IMENOVANIH ZVANIČNIKA OPĆINE CENTAR SARAJEVO¹

Obrazac za prijavu povrede Etičkog kodeksa izabranih zvaničnika i imenovanih članova radnih tijela Općine Centar Sarajevo

Na osnovu člana 28. Etičkog kodeksa izabranih zvaničnika i imenovanih radnih tijela Općine Centar Sarajevo, podnosi:

PRIJAVU ZA POKRETANJE POSTUPKA UTVRĐIVANJE POVREDE ETIČKOG KODEKSA IZABRANIH ZVANIČNIKA I IMENOVANIH ČLANOVA RADNIH TIJELA OPĆINE CENTAR SARAJEVO

protiv

(ime i prezime osobe protiv koje se podnosi prijava)

u svojstvu

(unkrajna osoba protiv koje se podnosi prijava)

ime, prezime, adresu i kontakt telefon podnositelja prijave:

Svojstvo podnositelja prijave:

Činjenični opis povrede Etičkog kodeksa

(detaljno kronološkim redoslijedom opisati činjenice u kojima se uigleda povreda Etičkog kodeksa, datum učinjenja povrede, vrijeme, mjesto i razinu učinjenja, uz navedenje svih pojedinosti i okolnosti činjenja povrede Etičkog kodeksa).

¹ Aneks je sastavni dio Kodeksa etičkih principa za izabранe zvaničnike i članove radnih tijela Općine Centar Sarajevo, broj 01-04-9/23, objavljenog u "Službenim novinama Kantona Sarajevo", broj 7/23